



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ՈՒՂԵՐԶ-ՀԵՌԱԳՐԵՐԸ ՆՈՐԻՆ ՍՐԲՈՒԹՅՈՒՆ
ՀՈՎՀԱՆՆԵՍ-ՊՈՂՈՍ Բ ՊԱՊԻՆ (ՎԱՏԻԿԱՆ) ԵՎ
ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ԸՆԴՀԱՆՈՒՐ
ՔԱՐՏՈՒՂԱՐ ԴՈԿՏ. ՖԻԼԻՊ ՓՈԹԸՐԻՆ (ԺՆԵՎ)՝
ԼԻԲԱՆԱՆԱՀԱՅՈՒԹՅԱՆԸ ՊԱՏԱՀԱԾ
ԴԺԲԱԽՏՈՒԹՅՈՒՆՆԵՐԻ ՄԱՍԻՆ

Ամենայն Հայոց Վեհափառ Հայրապետը, ծանոթրեմ մտահոգված լի-
քանաճանաչություն վիճակով, նույնքերի 2-ին հետևյալ ուղերձ-հեռագրերը
հղեց Նորին Սրբություն Հովհաննես-Պողոս Բ Պապին և Եկեղեցիների հա-
մաշխարհային խորհրդի ընդհանուր քարտուղար դոկտ. Ֆիլիպ Փոթըրին.

ՆՈՐԻՆ ՍՐԲՈՒԹՅՈՒՆ ՀՈՎՀԱՆՆԵՍ-ՊՈՂՈՍ Բ ՊԱՊԻՆ
ՔԱՀԱՆԱՅԱՊԵՏ ՀՌՈՄԵԱԿԱՆ ԿԱԹՈՒԼԻԿ ԵԿԵՂԵՑՈՒ

Հոռմ-Վատիկան

Ավելի քան երեք տարիներից ի վեր Լիբանանի ողբերգական վիճակը
լուրջ մտահոգություն է պատճառում մահ Մեզ: Մենք աղոթում ենք սուրբ
գրական այդ երկրի ներքին խաղաղության ու քրիստոնյա և մահմեդական
համայնքների համերաշխ գործակցության համար:

Այս օրերին խոր վշտով տեղեկացանք, թե հոկտեմբեր 3—10-ի ուժա-
կոծումները առավելապես Բեյրութի հայաքանակ թաղերին պատճառել են
հարյուրավոր մահեր ու վիրավորվածներ և բազմաթիվ հայ ընտանիքներ
մնացել են առանց բնակարանի, զուրկ ապրելու տարրական միջոցներից:

Իբրև առաջին սպասավորը հայ առաքելական եկեղեցու, Ձերդ Սրբու-
թյանն ենք ուղղում Մեր եղբայրական խնդրանքը, որ աղոթեք Լիբանանի
անմեղ հայ զոհերի հոգիների համար և Ձեր հեղինակավոր խոսքը և հոր-
դորը լսելի դարձնեք լիբանանյան որոշ շրջանակներին, ի պաշտպանություն
Լիբանանի հայ կրոնական համայնքի ու հավատացյալների:

Թող բարին Աստված ավելի լույս իջեցնի Լիբանանի վրա, և մահմեդական ու քրիստոնյա համայնքները եղբայրացած ողջունեն իրենց վաղվա կյանքի խաղաղ ու երջանիկ լուսաբացը:

Եղբայրական հարգալից սիրով ի Քրիստոս՝

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

2 նոյեմբեր 1978 թ.

ԵԿԵՂԵՑԻՆԵՐԻ ՀԱՄԱԾԵՍԱՐՀԱՅԻՆ ԽՈՐՀՐԴԻՆ

Փ Ո Ւ Ն Վ

Ավելի քան երեք տարիներից ի վեր Լիբանանի ողբերգական վիճակը լուրջ մտահոգություն է պատճառում մասնաՄեզ, և միջտաղոթել ենք սուրբ գրական այդ երկրի ներքին խաղաղության ու մահմեդական և քրիստոնյա համայնքների համերաշխ գործակցության համար:

Այս օրերին Անթիլիասի Տաճն Կիլիկիո Կաթողիկոսության հաղորդումից խոր վշտով տեղեկացանք, թե հոկտեմբեր 3—10-ի ոմբակոծումները առավելապես Բեյրութի հայաբնակ թաղերին պատճառել են հարյուրավոր մահեր ու վիրավորվածներ, և բազմահազար հայ ընտանիքներ մնացել են առանց բնակարանի՝ զուրկ ապրելու տարրական միջոցներից, մանավանդ լիբանանյան որոշ շրջանակների հայ համայնքի դեմ տրամադրությանց հետևանքով:

Իբրև առաջին տպասավորը հայ եկեղեցու, Ձեզ ենք ուղղում Մեր եղբայրական հրավերը և խնդրանքը, որ բացառիկ մի կարգադրությամբ հաճեք տնօրինել անհրաժեշտը, որպեսզի Եկեղեցիների համաշխարհային խորհուրդը շուտափույթ կերպով բարոյական և նյութական կարևոր օգնություն փութացնի Բեյրութի հայ համայնքի աղետյալներին:

Թող բարին Աստված ավելի լույս իջեցնի Լիբանանի վրա, և մահմեդական ու քրիստոնյա համայնքները եղբայրացած ողջունեն իրենց կյանքի խաղաղ ու երջանիկ լուսաբացը:

Ձեզանից սպասում ենք բարի լուրեր:

Սիրով ի Քրիստոս՝

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

2 նոյեմբեր 1978 թ.

